

magna, advenientes admittit. A qualonga & spatiosa protenditur ad pontem platea elegantibus obsessa ædibus, quibus à tergo subjacent utrinque horti consiti, & post eos ad mœnia usque campi exercitiis dicati. In quorum australi quem faciunt cum flumine angulo, molem editiorem futuro castro, ut videtur, jaustum, *Old bale* nominant, eminere vidimus, quam Guilielmus Melton Archiepiscopus (ut in Archiepiscoporum visitis legitur) *primum spissis, & longis 18 pedum tabulis, postea lapideo muro fortiter inclusis*, quæ jam tamen disperuerunt.

Foss. flu.

Pars Orientalis, quæ tota est ædificiis condensa, & angustioribus plateis conclusa, formam habet quasi lenticularem, firmissimis item mœnibus armatur, & ad Ortum brumalem Fossi profluentis satis limosi profundo alveo munitur, qui in ipsam urbem cæca via penetrans, ponte continetur ita ædificiis continuo, ut non pontem, sed perpetuum vicum nemo non judicet: paulo que inferius *Ouse* confluit, ubi ad ipsos confluente è regione molis quam dixi, ad reprimendos cives firmissimum castrum loco oportuno excitavit Guilielmus Normannus. In quod vetustas libere jam diu sœvit, ex quo Angli munita loca tanquam ad detractandam militiam receptacula neglexerunt. In hac etiam parte ad Ortum extivum Cathedrale templū Divo Petro sacrum, magnificum sane & perelegans consurgit, juxta quod extra mœnia, sed suis mœnibus & flumine inclusum nobilissimum Divæ Mariæ floruit monasterium, quod Alanus tertius Britanniæ Armoricanæ, & Richmondiæ Comes opulenta cum dote condidit; nunc autem in ædes regias conversum, vulgo *The Manour* appellatur.

The Ma-
nour.

Vnde Eboraci primordia repetam nisi à Romanis non habeo, cum Britanni ante Romanorum adventum non alia habuerint oppida quam sylvas fossa & vallo munitas, ut Cæsar & Strabo omni exceptione majores testantur. Ut igitur Ebraucum Regem, quem curiosa credulitas ex Eboraci nomine conditorem affinxisse videatur, taceam. Certissimum est, Legionem Sextam Vetericem, quam Hadrianus è Germania in Britanniam traduxit, hic stationem egisse, Romanorumque Coloniam fuisse, cum ex Ptolemæi & Antonini autoritate, tum ex vetusta inscriptione quam in ædibus cuiusdam Senatoris vidimus in hæc verba:

M. VERE C. DIOGENES I. VIR
COL. EBOR. IDEM Q. MORT CI-
VES BITVRIX. HÆC SIBI VIVVS
FECIT.

Nec non ex Severi Imperatoris nummo in cuius parte aversa legitur,

COL. EBORACVM LEG. VICTRIX.

Vnde vero Victor in Cæsarum historia Eboracum Britannia Municipium dixerit, cum Colonia fuerit, peto ut deliberem; nisi maluerint Eboracenses ut olim Prænestini ex Colonia in Municipii statum redigi. Coloniæ enim cum, ut Agelius habet, instituta, juraque omnia populi Romani, non sui arbitrii haberent, magis obnoxia, & minus libera conditione videbantur. Munici-

pia autem suo jure ac legibus utebantur, Municipesque tantum muneris cum populo Romano honorarii participes erant, nullis aliis necessitatibus astricti, unde Colonias in Municipia immutari neutiquam mirandum. Sed quorundam ista? Hæc nominum differentia in Imperatorum historia non ita ad amissim observata est, quin unus idemque locus & Colonia, & Municipium dicatur. Severum tamen ex illo nummo Coloniam hanc duxisse non asseverare ausim, cum Antoninorum tempore Legionis VI sedem fuisse docuerit Ptolemæus. Severum autem hac in urbe suum palatium habuisse legimus, animamque in hæc verba hic exhalasse, *Turbatam Rem publicam ubique accepi, pacatam etiam Britannis relinquo.* Corpus ejus hic militari more à militibus elatum, impositumque in rogum, honestatum militum & filiorum ipsius decurione, in loco, sub hac urbe, ad Occasum juxta *Ackham*, ubi magna moles aggesta conspicitur, quam sua ætate Radulphus Niger *Sivers* à Severo dictum tradidit. Cineres in urnulam auream sive vasculum Porphyriticum repositi, Romæ in Antoninorum monumentum illati erant. Nec silentio involvendum, quod hac in urbe Bellonæ templum extiterit. Inquit enim Spartanus de hac ipsa loquens, *In civitatem veniens cum rem divinam velle facere, primum ad Bellone templum duetus est errore aruspiciis rusticis.* Quo tempore hujus urbis prætorium sive Tribunal fuit vel hoc nomine longe fœlicissimum, quod Æmilium Paulum Papinianum juris, & jurisprudentiæ oraculum audiverit, ut testatur Forcatulus. Et hinc certe Severus & Antoninus Augusti de Iure consulti, rescriptum dederunt de rei vindicatione. Anno post Severi obitum plus minus centesimo Fla. Val. Constantius cognomento Chlorus, Imperator omnibus virtutibus & Christiana pietate insignis, qui huc (ut inquit Panegyristes) diis jam ad intimum terrarum limen vocantibus, accessit: hac etiam in urbe diem obiit, & Apotheosi in Divos est relatus, ut è nummis antiquis videre est. Quamvis Florilegus prodat ejus tumulum in Wallia repertum fuisse (ut jam diximus) fide digni tamen nobis retulerunt cum patrum memoria Monachorum ædes diruerentur, in cryptoporticu ædiculæ, in qua Constantium situm fuisse opinio erat, lampadem ardentem repartam fuisse. Veteres enim auro in pinguedinis liquorem arte soluto, diutissime, & per multa saecula arsum ignem in sepulchris fovisse scribit Lazius. Hic ex priore conjugé Helena CONSTANTINVM MAXIMVM ROMANÆ VRBIS, ut est in antiquis Epigraphis, LIBERATOR EM, QVI E TIS FUNDATOREM, REIPUBLICÆ INSTAVRATOREM suscepit. Qui Eboraci patris spiritum exceperit, statimque in Imperatorem levatus. Purpuram (ut habet Panegyricus) milites utilitati publicæ, potius quam affectibus servientes illi injecere labrymanti, equumque calcaribus incitanti, ut depositis exercitus fugeret conatum: sed modestiam ejus vicit Reipub. fœlicitas. Vnde Panegyristes exclamat, *O fortunata, & nunc omnibus beatior terris Britannia, que Constantium Cæarem prima vidit.* Et alibi, Liberavit ille Britannias servitute, tu etiam nobiles illic oriendo fecisti. Quæ verba ad natale solum Constantini judicio eruditissimi Baronii & aliorum referenda sunt:

Sed

L. I. C.
Constantius Chlo-
rus.

Constan-
tinus
Magnus.